

Symma Juris Canonici

Comprehensa Tribus Partibus In Qva Distincte Et Succincte Explicantur,
quæ ad personas, negotia, & iudicia Ecclesiastica ex Canonum præscripto,
pertinent

De Personis Ecclesiasticis, Earumque statu, Dignitate, munere, &
Immunitate

Strein, Johann

Coloniæ Agrippinæ, 1658

§. 7. De permutatione beneficiorum.

[urn:nbn:de:hbz:466:1-61816](#)

30 §. VII. DE PERMUTAVIONE BENEFICIORVM

S. VII.

De permutatione Beneficiorum.

I. **P**ermutatio generatim loquendo est certae rei ad alteram facta praestatio. *l. i. ff. de rer. permut.* Hinc beneficij permutatio est, cum duo vicissim sua beneficia dimittunt, ut alter alterius beneficium obtineat. Ex quo colligitur multum convenire cum resignatione in gratiam alterius facta. *Pe. Vbaldus. Frider. Senensis. Cambarius. alii.*

II. Iure Canonico prohibita est permutatio beneficiorum, quæ propria auctoritate sit, idque ob quatuor causas. *Prima* est ut ecclesiasticis personis omnis avaritiae & ambitionis viae præcludantur. *Secunda* nedem beneficiis, ut de aliis secularibus bonis disponere videantur. *Tertia* ne putent idem ius se in beneficia habere, quod in patrimonio suo. *Quarta*, quia permutatio supponit abdicationem unius beneficij, & acceptationem alterius quod Canones non permittunt propria auctoritate fieri. *c. ad questiones de rerum permut.* *Azor. II. l. 7. c. 29. q. 2. Taberna V. Beneficium. s. III. n. 14.*

III. Permutatio facienda est cum auctoritate Superiorum, qualis est. *1. Pontifex. 2. Ordinarius loci, sive Episcopus, sive eo superior. 3. Omnis Prælatus, qui ius habet conferendi instituendi, & à beneficio removendi, cuius generis sunt Abbates, & alii Prælati, qui episcopalē iurisdictionem consuetudine aut privilegio habent. De Vicario Generali non videtur idem dicendum, sed speciale illi mandatum necessarium est. Canonicorum Collegium permutationes beneficiorum admittere*

poterit, quando ius ea conferendi, vel ad folios Canonicos pertinet, vel ad eos simul & episcopum. *Innoc. c. Quasitum. Panorm. eod. &c. Cum ex iniuncto. de heret. de rer. permut. Glo. Clem. i. eod. tit.*

IV. Non licet beneficium ecclesiasticum permutare cum alio jure spirituali, quod non sit beneficium, puta cum jure decimarum, patronatus aut similiter; nec cum jure, quod quis habet ad beneficium, non in beneficio ut si quis habeat literas Apostolicas, quarum auctoritate beneficium expectat. Multò minus potest beneficium ecclesiasticum permutari cum patrimonio, cuius ratione aliquis est ad sacros ordines promotus aut cum hospitali domo, qua beneficium non est. Si tamen Ordinarius consenserit in eiusmodi permutationem, ut beneficium ecclesiasticum cum jure nominationis, vel collationis permutetur, crediderint validam fore permutationem, quia. *Clem. un. de permut. rerum nihil aliud dicit, quam spiritualia cum temporalibus permutari non posse, quod in proposito casu non fit. Az. II. l. 7. c. 29. Ay. milla V. Beneficium. n. 75. & seq.*

V. Ad legitimam permutationem supposito, utrumque habere ius proprium, reale, & pacificum in beneficio permutando, requiritur. *1. ut absit dolus, & metus. 2. Ut in manus Ordinarij uterque resigneret. 3. ut collatio fiat in permutantes. Nam si alteri conferatur irrita collatio erit. Clem. un. de permut. rer. Quocirca Ordinarius postquam consentit in resignationem, ipsis tenetur conferre. Neque opus est, ut eodem tempore utrimque permutatio fiat. 4. requiritur consensus illorum, ad quos electio, vel presentatio spectat. Glo. in Clem. di. Potest autem episcopus*

pus supplere consensum, si forte patronus renuerit. *Canis l.3. tt. 8. Less. cap. 34. dub. 36.* Fallitur ergo Rebuffus, qui *tt. de permut. n. 14.* & *15.* valere putat permutationem cum beneficio ficto, quod permutans se habere simulat.

V. Inæqualitas beneficiorum non impedit absoluto permutationem. Poterit inæqualia sunt. *Primi*, quando unum habet onus V. g. curam animarum alterum verò non habet. *Secundi* quando unum est pingue, alterum verò macileatum. Neutra tamen obesse potest permutatio, si absque vi, & dolo fiat. Contingit enim, ut magis conveniat mihi, quod tenuius est, vel gravius: quo posito non patior iniuriam, sed excessum, qui putatur inesse beneficio, condono. *Azor l. cit. Less. lo. cit. num. 199. Regin. l. 30. cap. 24. Franc. Leo in thesau. Par. 2. c. 19. dixi.* si absque vi & fraude fiat. Etenim sive invitus per vim, cui non potest resistere, impellitur, sive per fraudem, quam non videt, circumvenitur, congenitâ libertate per injuriam exutus est: adeoque vel beneficiorum permutatio viribus caret, ut non subsistat: vel certè à Magistratu ecclesiastico in ultionem sceleris & iniuriz irritanda est.

S. VIII.

De reservatione, & Devolutione beneficiorum.

I. Beneficia reservata dicuntur, quæ summus Pontifex ita addicit sibi, ut quando vacaverint, solus conferat. Reservatio beneficiorum igitur ita definiri potest. *Est alicuius beneficij ecclesiastici vacaturi per habentem ad id potestatem ad se facta arogatio.* Non fuisse olim in usu inde liquet,

quia in nullâ Decreti parte de ea mentio fit. In *Conc Basiliens. Sess. 23.* legimus, omnes omnium beneficiorum reservationes aboleri cum mandato, ne deinceps ulla fiat. Sed decretū illud à summo Pontifici non est approbatum, ne iuri & iurisdictioni tuæ vulnus infligeret. *Aeneas de falconib. de Reservat. Azor 11 l. 6. c. 36.*

II. Reservatio beneficiorum duplex est. *Generalis & Specialis.* *Generalis* est quando Pontifex sibi reservat omnia beneficia eiusdem ordinis. V. g. omnes ecclesias Metropolitanas, omnes Cathedrales &c. *Specialis* dicitur vel ratione loci, ut cum certæ alicuius ecclesiæ beneficia reservantur, vel ratione beneficii, ut cum certa dignitas reservatur, vel ratione personæ, ut si Pontifex mandet beneficium aliquod quando vacaverit Titio, aut Lucio conferri *Azor. loc. cit. Q. 3 Escobar Tract. 5. Exam. 1. §. 2.*

III. Papa reservat sibi. *Primi* collationem dignitatum, quæ post episcopalem maiores sunt in ecclesijs Cathedralibus, cuiusmodi in Germaniâ nostra sunt *Præposituræ*: Item collationem dignitatum principalium in ecclesijs Collegiatis, ut videtur est in *Reg. 3. Cancellaria.* Verum quia in multis ecclesijs dignitates per electionem conferuntur, signum est, privilegio obtentum esse. *Secundi* reservat omnia beneficia promovendorum, id est, quæ vacant per obtentionem alicuius V. g. episcopatus, aut similis prælaturæ à Papa conferendæ. Nec obstat, si episcopatus vel dignitas electiva sit, sed absolute post adeptam confirmationem, & quietam possessionem vacant beneficia prius habita. Imò locum habet prædicta reservatio, quando Pontifex dat alicui beneficium

G 2 habenti